

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dànì kúuma, ti baa paadí

BAALO KOANBALA TAANLI
JAGA DOAGIDIMA

(PP-G/TRANS N°040-2024)

Rimaliba Jan Emanuweli WEDIRAWOGO

Wagidugu, li binli 2024 piiga n cilie dana 5

Tinunga 1 bonmu 26 nni

Baalo Koanbala Taanli den kali Wagidugu
nani ban maani ki tiedi maama dana lele kuli,
alamuda daali, li binli 2024, piiga n cilie dana 5,
ki cili leeru 9 yogunu ki ban gbeni leeru 13 leni miniti 56.
Kapitenni Ibirayimi TARAWORE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

I. A JAGA

I.1. TI DIEMA YUDAANO BADIDIECIANGU KANI

A koanbala taanli tuo **tiwaankaali yenli** yaali n tuugi leni Tuonsoankaali yaali n ye celi ki baa daa biadi **kobimuu (500)** yaadi n baa yaa tugi a cogibila ke bi caa ki go goa bi cogu.

A koanbala taanli tuo ban tieni u juogu leni **SANA Rasimane** Tataantuonsoanjaali a sancena po ki pugini **WENDI NA SONGIDO TAGIMA TUONSOANDIEGU** laa biadi daama po ; ki dunga pundi **miliyaadi piinaa n binaa leni miliyon kobinii n piiluoba n bonbimuu (44 865 000 000)** sefa ligi nni.

Laa ligi baa ña baalo ligikpugu nni leni VISITA BANKI todima.

Laa biadi daama mayuli tie ki todi a domaabila sancena, yaaba n ban cie mo tie a cogibila. Bi baa taa laa biadi ki teni li tataantuonsoanjaali SOTARAKO.

I.2. YAA KOANBADIEGU N DIIDI TI DIEMA LOAGU LENI I LIGI

A koanbala taanli tuo **tiwaankaama lie (2)**.

Li tiwaankakpiali tuugi leni ban bogini bali maama yaama ke mi tuugi leni bi tundikaaba yaaba n tundi a tataantuonsoanjaana tuonli bali maama Bulicina Faso nni.

Bulicina Faso nni a luba pama tie tila bonla ki yegi leni yuakuli n tuuni yaa tuonli leni wan baadi yaala. Lan yaapo, li bali maama puni u sanu ke yaaba n pa a luba kuli n yaa baadi o bando pegidima li tuonli nni (li baa fidi ki yaa tie avoka, ligikubilo, tuonsoanjaali tuonsoanlo bi li gobidikoa...). Lani yaa niinne ke niba boncianla yen mabidi yaaba n pa a luba leni li lubigaali tuonsoanjaana siiga.

Laa bonla yen kpendinni li bonbiidikaala baalo po leni yaaba n pa a luba po kelima i janbi, mi faama leni mi boaliya yen kua lienni ki teni baalo n luo ligiciami yi n bi baa kua baalo o ligikpagu nni.

Laa bali maama yaama ke bi bogini yeni baa teni u kpendu tuonsoandiedi tundikaaba n baa bali maama bi tuonli po, ki teni laa tuoncagili n pidi ki ŋanbi, ki pugini yaaba n caa ki pa bi luba coali, ki soagini a luba pama domaatiema yaaba n pundi ki yaa pa bi luba po ki nan go teni baalo tuonsoanjaali yaali n gaani a luba n fidi ki pundi lin bua ki pundi naani li tuonli nni.

A koanbala taanli puni u sanu ke ban soagini laa bali maamma yaama ke bi bogini yeni Depiteenba tuonsoankaanu.

Li tiwaankalieli tuugi leni masienkaama tili yaali n baa yaa gobidi baalo tuona soanma leni o tiadi daama pianma yaaba n baa soani leni yaaba n baa daa, a tuona yeni soanma leni a tuona soanma ligi pama n baa ŋoadi maama.

Laa masienkaama tili bua ki tieni yaala n ye bali maama lanba 005-2024/ALT ki tie yaama n ŋani li binli 2024 cinaa o dana 20 ki bogini baalo tuona soanma leni o tiadi daama pianma Bulicina Faso nni. Li niinni n pia yaa boncanla siiga tianla nne:

- Laa go tie tiladi ŋan kpa soani yaa tuonli n ki mibidi miliyon piitaa 300 000 000 seefa ligi ka ki fidi ki baa ban piani a baalo tuonli soanma. Laa boncanla baa todi a tuonsoancagibila moko n yaa baadi baalo tuona soanma ;
- ki teni yaa tuonsoancaga n kaa fidi ki soani li tuonli ban bili yaa yogunu li tuonli po bancali pama n da mibidi 5% ke lan todi ban da ŋmadi ki baa une yogunpaalu nni ;

- li tie tiladi dielanma tuonsoancagili ya bua ki baa baalo tuonsoankaana se lin taani leni ti diema tuonsoancaga ki mia, li ya tie ke li tuonli ligi baa ña baalo ligikpagu nni;
- li baa fidi u juogu n tieni mi madagidikaama n ñii baalo leni yaa tuonsoancagili n bua baalo tuonsoankaali li ya tie ke ti tiadi daama tie pipiba bi lola ke li ligi waa ki cie 250 000 000 seefa ligi nni;
- a tuonsaoncaga ya lebidi bi tila ki tuuni tuontoali baa fidi ki soani leni bi bankpelima.

Laa masienkaama tili baa teni baalo tuonsoankaana pianma n yaa ji jaligi ki go pia u fidu mo Bulicina Faso nni.

Li tiwaankataali tuugi leni **masienkaama tili** yaali n waani ke baalo diedi ki cili moala yogu po li tuonsoanjaali yaali n ye Kubiri kominno nni ki baa maa « FASO KOSAM » tuonsoandiena.

A koanbala taanli yaali n den tieni li binli 2024 piiga n cilo dana 20 den taa li jagili ki teni ke yaa tuonsoanjaali n tagi mi naajanma (SOPOROLE) leni yaa tuonsoanjaali n tagi ti yandi bonjekaala (SOFABI) tua ti diema n diedi yaa tuonsoanjaana. Li yaa puoli bi cilini baalo tuonsoanjaana bonalie lan tie « FASO KOSAM » leni « FASO GUULIGO ».

Mi naajanma tuona findima nni, baalo den boagidi ki teni mu tinmu SOFABI, SOPOROLE leni KOPOROLE Kubiri Kominno nni.

Yeni, KOPOROLE den baa dieciangu yu yaa fanma n pundi m² 15 215, ke maa tie loti ki ye Tanvi dogu nni, Kubiri depatema nni, Kadiyogo porovenso nni. Laa kaanu kuu leni SOFABI leni SOPOROLE fanma ki pia ti tiabilikaadi dieciangu leni saliwuudi tuonsoandiegu bonkuongu.

Li tuonsoanjaali FASO KOSAM ban teni lini yaali KOPOROLE fanma kan fidi ki soani li tuona ŋama mi fanma yaa gaa canyi. KOPOROLE fanma fiema baa teni FASO KOSAM n baa o tiadi bilikaanu.

Laa masienkaama taama baa teni baalo n diedi ki cili moala yogu po li tuonsoanjaali yaali n ye Kubiri kominno nni ki baa maa « FASO KOSAM » tuonsoandiena ke li yegi leni bali maama lanba 034-2012/AN ki tie ban den taa yaama li binli 2012 cilele o dana 2 ki goa ki bogini mu tinmu leni mi fanma, ki pugini bali maama lanba 009-2018/AN ki tie ban den taa yaama li binli 2018 cimuu dana 3 ki ñani a sanbila ya n baa pa baalo u sanu wan fie mi tinfanma Bulicina Faso diema ŋantaadi po leni lan baa ŋoadi maama bi tindanba n baa i pani.

I.3. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

A koanbala taanli tuo **tiwaankaama lie (2)**.

Li tiwaankakpiali tuugi leni Endi diema miabu ke bi bua ki soani bi saliwuudi tondo Bulicina Faso nni.

A koanbala taanli tuon ban soani o joa **Omi Pirakasi MEENA** wan tua Endi diema saliwuudi tondo Bulicina Faso nni ke o yekaanu baa tua Wagidugu.

Li tiwaankalieli tuugi leni Poloñi diema miabu ke bi bua ki soani bi saliwuudi tondo Bulicina Faso nni.

A koanbala taanli tuon ban soani o pua **Julita BAS** wan tua Poloñi diema saliwuudi tondo Bulicina Faso nni ke o yekaanu baa tua Dakaari, Senegali diema nni.

I.4. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU

A koanbala taanli tuo **tiwaankaama taa (3)**.

Li tiwaankakpiali tuugi leni **masienkaama tili** yaali n tuo FASO KOSAM tuonsoanjaali mabilikaama.

Laa masienkaama tili taama baa teni baalo tuonsoanjaali FASO KOSAM n baa yaa mabilikaama n baa todi li tuona soanma nani bali maama lanba 025/99/AN yaama n ñani li binli 1999 piiga n cilo dana 16 ki bili a ñoamabona baalo tataantuonsoanjaana ya n tuuni leni baalo ligi po.

Li tiwaankalieli tuugi leni **masienkaama tili** yaali n tuo FASO GUULIGO tuonsoanjaali mabilikaama.

Laa masienkaama tili taama baa teni baalo tuonsoanjaali FASO GUULIGO n baa yaa mabilikaama n baa todi li tuona soanma nani bali maama lanba 025/99/AN yaama n ñani li binli 1999 piiga n cilo dana 16 ki bili a ñoamabona baalo tataantuonsoanjaana ya n tuuni leni baalo ligi po.

Li tiwaankataali tuugi leni dunla siagu n cuoni maama..

Ti ya boagini dunla binli cinaa dakpiali ki pundi cipiiga dana 31 tañima taanma leni li binli 1991 ki gedi 2020 laa yogunu nni, ti baa sua ke mi tañima tie yenma bi mo ki yabi ki cie ke kaantoe mo mi tañima poadi ti diema nni.

Dunla 2024/2025 siagu puoli, tontoni baanli po bi tama ke ku kpaangu taanma pundi **tonni 6 077 227**. Laa kpaangu n pugini maama tie **18,05%** ti ya biigi leni yaa binli n pendi, ki tie **21,03%** ti ya biigi leni a binmuuda ya n pendi.

Tontoni po ti tama ke bonjekatoala (a tuuna, a tiinmoana/a tiinkpanga, a nuga leni o kuudiko) pundi **tonni 1 262 311**. Laa kpaangu n pugini maama tie

16,46% ti ya biigi leni yaa binli n pendi, ki tie **34,49%** ti ya biigi leni a binmuuda ya n pendi.

Tontoni po ti tama ke tin koni ki baa yaala ke li baa kuadi (a tuuna, a tiinmoana/a tiinkpanga, a nuga leni o kuudiko) pundi **tonni 1 981 794** ki boagidi ki tie ti kunkundi **tonni 668 359**, a **tiina** tonni **812 966**, ku ñiagu/i ñe tonni **376 959** leni i juoni tonni **123 527**. Laa kpaangu n pugini maama tie **11,17%** ti ya biigi leni yaa binli n pendi, ki tie **21,14%** ti ya biigi leni a binmuuda ya n pendi.

Ba ke mu taamu ki cundi tipo tin bua maama, Gufenema taa a sanbila ki tuugi leni mi diema Yudanciamo yanjaga li binli 2024/2025 siagu po, ki pugini a kpakpaala moandili kuli taani ki teni ke li baali pugini ti kpaandi kuli nni.

Ti tama ke yaala n tie bonbuakaala ti kpaandi po ki baa teni ke li bonjekaala kan dagidi bi niba nni tie desiyon **4**, desiyon **1** nni li baa dagidi, desiyon **8** nni mo li bonjekaala baa dagidi ki sieni. Dunla 2024/2025 siagu baali fii **111,5%** ki sua yaa siagu n mibidi 2023/2024 li den tie **97,4%**.

Bi daama ke ti yandi bonjekaala mo yaa taanma tie **ti moakuondi tonni 14 930 341** ki sua yaala n den bua den tie **17 826 157**. Li doagidi ke mi diema nni ti yandi bonjekaala kan dagidi.

I.5. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

A koanbala taanli taa **masienkaana tila taa (03)**.

Masienkaama tikpiali ñani a sanbila mi wulagbima tila tenma bi laa tila fiema po.

Laa masienkaama tili bua ki tieni yaa ñoamabona n ye bali maama lanba 016-2024/ALT nni ki tie ban den ñani yaama li binli 2024 cilele dana 18 ke mi tie mi wulagbima balimaama Bulicina Faso nni.

Li boncanla laa masienkaama tilinni bontianla n tie ne :

- Bulicina Faso nni yaa tuona n tuuni ki tuugi leni mi wulagbima kuli baa balimaama;
- yaa mabilikaama kuli n gobidi mi wulagbima tila tenma taani kaanyendu;
- li tie tiladi yaaba n miadi mi wulagbima tila kuli n yen taani ki tua Bulicina tuonsoancagili yaali yaa nutugili nni ke baalo bi ti diema maabila moko baa kuani bi yaa nutugili ke li pundi 40%;
- bi cilini yaa tili n baa pa u sanu mi wulacandima tuonli po;
- bi ñani yaala n tie « mi boagidima kariti » bi niba po leni « mi boagidima sanu paabu tili » a tuonsoancaga po yaala n tuugi leni li tanmaali tiadi tenma tuonli;
- bi cilini yaa tili n baa pa u sanu yaaba n bua ki yaa kuadi yaa tanyoma n ñani mi wulagbima nni.

Laa masienkaama tili baa teni Bulicina Faso n baa bali maama bonpanma yaama n baa yaa gobigi mi wulagbima tuona.

Masienkaama tilieli tuugi leni mi wulagbima tuona cagicianli ti diema nni cilima, li puoga, yaa niba n baa yaa ye li cagili yeni nni leni lin baa yaa tuuni maama.

Laa masienkaama tili kuani yaa ñoamabona n ye balimaama lanba 016-2024/ALT nni ki tie ban ñani yaama li binli 2024 cilele dana 18 ke mi tie mi wulagbima balimaama Bulicina Faso nni.

Li boncanla yaala n tugi yuli laa masienkaama tili nni tie :

- mi wulagbima cagicianli ti diema nni yeli lebidi ki tua « mi wulagbima tuona banma cagicianli ti diema nni ». Laa lebidima bua ki ñii li ti tuonli banma po yo laa cagili nni;

- mi wulagbima tuona banma cagicianli ti diema nni fidu pugini ki tandi ki sii mi wulagbima tinfanma miabu, mi tenma, mi cabima bi mi puginma miadi;
- ki kaani yaa cagibiga n yen baa ŋanbi ki noanli i miadi tila kuli hali ke li cagicianli daa taani.

Laa masienkaama tili baa teni Bulicina Faso n baa yaa balimaama n dagidi ki baa todi mi wulagbima tinfanma miabu tila tenma gobidima ke laa yegi leni tuongolima.

Mi masienkaama titaali waani ban bàà yaa ñandi wula leni ki tinga tugu nni piama toama maama ke laa yegi leni masina, laa tuonli n bogini maama, laa tuonli gobidima leni a sanbila ɲoadima.

Laa masienkaama tili tie ki teni li bali maama lanba 016-2024/ALT n soani ban ñani yaama li binli 2024 cilele o dana 18 ke li wangi Bulicina Faso nni wula tuona sanbila.

Laa masienkaama tili nunlepanma nne:

- ki tagi yaa guòli ke bi baa yàà tuuni ki tinga tugu nni piama tuona li kani ke laa yegi leni masina;
- ki bogini kaani naa (04) naankani ke bi baa yaa ñandi ki tinga tugu nni piama tuona lani n tie: naankani ke bi baa yaa ñandi a tana buoli buoli, ban baa yaa ɲanbidi naankani, naankani n paadi ki tie ban bàà yaa kuadi wula naankani leni yaa tantoana n pia ki dunga ki pugini leni yaa kaanu ke bi niba baa yaa ye leni tuonbuolibuoli n baa yaa tuuni naani;
- ki bogini yaa tili n wangi bi tuonsoanba yuakuli leni wan baa yaa tuuni yaa tuona ke li yegi leni wula ñanma tuona, wula tugima, a tana buolibuoli ɲanbima, wula leni ki tinga tugu nni piama toama kuadima ban tuuni naankani ke laa yegi leni masina;
- ki guani ki bogini yaaba n tuuni ki tinga tugu nni piama tuona cagili resionba nni leni ti diema nni;

- ki taani a tana buolibuoli tuonli ñanma li boginli nni ki go le ban baa yaa
gobidi laa tuonli maama.

Laa masienkaama tili baa todi wula leni ki tinga tugu nni piama toama ñanma ke
laa yegi leni masina.

II. I LAABAALITENKE

II.1. Yaa koanbadiegu n die a bonwaala cogu, ti maamaamaama cogu leni ti diema mabuoli findima yua n daa tuuni a bicegidikaana cogu leni mi tuonsoanbanma bangima koanbali kaanu puni a koanbala Taanli laabaali boncianla leni n tie:

- **yaa laabaali** n tuugi leni ti diema Bulicina Faso n baa kali li piitaa n taanyiali yaali ke bi maani ki kali ke li tie Yaa cagili n gobidi a tuona yaa Tuonsoandiegu n tuuni Afidiki niciama Tuonsoanboanma gobidiŋanma leni bi bangipuginma (KANPESE) ke li bogini ki baa tieni li binli 2024 piiga n cilie o dana 12 Libidevilli dogu nni Gabon diema nni.

Yaa Tuonsoandiegu n tuuni Afidiki niciama Tuonsoanboanma gobidiŋanma leni bi bangipuginma tie yaa cagili nni diema boncianla taani ki tuuni ki pia diema luoba (06) leni n tie Bene, Bulicina Faso, Kodibuadi, Gabon, Ninseeri leni Togo.

KANPESE mayucianli tie ki teni Afidi niciama banma n findi, ki pugini bi banma ke lan todi Afidiki tincagili loagu leni li taayienu findima.

Ɗali mi taabuapiitaa n leleedima ke Bulicina Faso gobidi li Cagicianli Gobidima (KANPESE), ki tuugi leni Bulicina Faso n go baa kali mi piita n taabuayama, o baa todi leni o banma ki tuugi li boeli leni mi malebidikaama wan leni yaa diema n sieni siiga ke li tie ban le laa tuonjaali saala yema po.

- **Yaa laabaalu n** n tuugi leni mi tuonsoanbanma biigima n cuoni maama mi dieluobidima yeni niinni li binli 2024 nni.

Mi tuonsoanbanma biigima dunli po den cili li binli 2024 ciluoba o dana 4 ki ban sedi ciyia o dana 24 ke mi den tie yaama ke yaaba n den biigi ki mi tuonsoanbanma biigima Serifika po (SEKUPE), yaaba n biigi mi tuonsoanbanma biigima Bidibe po (BEKUPE), yaaba n biigi Bidibe biigima mi tuonsoanbancianma po (BEPETE) leni yaaba n biigi Bidibe biigima mi tuonsoanbanciancianma po (BEPETESE). Laa taancianli kalima po, tuona 47 n

den bogini mi diema po: SEKUPE kani 12, BEKUPE kani 16, BEPETE kani 13, BEPETESE kani 06.

Yaaba n den biigi coali den tie niba 19.349 mi biiginaadima yaama n den bogini diema luoba po, niba 17.505 n den biigi ke bani niba 14.478 den bàà ke li fii 82,71% yaaba ke mi biigima cuoni bipo.

II.2 Yaa koanbali n die ku gbannansaagu jeliti tuona, bi nipanba leni a tuona baama puni a koanbala taanli laabaali boncianla ke i siiga tiami tie:

- **yaa laabaalu n tuugi** leni ban bogini yaa badu mi taabuapiiliema po Afidiki dogi sanpiona Sami yaa jeligu Wagadugu dogu nni Bulicina Faso diema nni ke li baa tua li binli 2024 piiga n cilie o dana 09 ki gedi o dana 16.

Danmi jeligu Afidiki nni Cagicianli tie Afidi tincagili n bogini yaagu ke li baa todi Dnami jeligu findima.

Laa jeligu bogindi bina lielie po ke li tie yaa jeligu n tiedi ki lebidi diema boncianla siiga li nandunli nni.

Ki noadi leni ban sua ke ti diema Bulicina Faso n pia u gbansaagu maama dami jeligu po, bi gandi Afidiki dogi siiga ke laa jeligu baa tieni ti diema nni yo.

Laa jeligu boginli Bulicina Faso nni baa todi ti diema n pugini o njaniali paalu li nandunli nni ama ki go todi ti diema nni yaaba n tuuni u gbannansaagu jeliti tuona n bàà yaa boginmoanli n baa todi ban bogini ti jeliti yaadi n tiedi li nandunli nni.

Laa jeligu yaapo, diema 14 n mali ki waani ke bi baa fidi ki cua ki taani laa jeligu nni. Lani diemi tie: Bebe, Kameruni, Kodi Buadi, Kongo (Bidasavili), Etiopi, Gabon, Gine Biso, Mali, Ninseeri, Senegali, Togo, Moritani leni Gine.

- **Yaa laabaali** n tuugi leni yanbuama tuonsoanba Daali (JIV) u loagu leni u taayienu findima po yaali n tieni li binli 2024.

JIV daali tiadima badu li binli 2024 po mayuli tie “**Yanbuama tuonli li ñ iginma dabanjali leniki pa a yuli ti baadogu po ki soani mi mi diema po**”. Laa daali tiendi li binli 2024 piiga n cilie o dana 03 ki gedi o dana 05 Wagadugu dogu nni.

Binli kuli yanbuama tuonsoanba Daali badu tiendi piiga n cilie o dana 05 u loagu leni u taayienu findima po li nandunli nni.

Yanbuama tuonsoanba Daali mayuli 2024 po tie tieni u badu ki waani yanbuama tuonsoanba yupaabu ki go kpaagi yanbuama tuonli n kpendinni yaa todima u loagu leni u taayienu findima po.

III. BAN DINI YAABA A BALA

III.1. BAN DINI YAABA A BALA YENDO YENDO TUONA PO

A. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

- Siaka **BAARO** o lanba li tuonli nni tie **212 398 J**, ki tie baalo saliwuudo komiciamo, dini li bali ki tua Siidi wesi desiyon Guverineero ;
- Abiduli Kaliimu **SONGO** o lanba li tuonli nni tie **54 578 B**, ki tie baalo saliwuudo komiciamo, dini li bali ki tua Sayeeli desiyon Guverineero.

B. YAA KOANBADIEGU N DIIDI TI DIEMA LOAGU LENI I LIGI

- Hamadi **BELEMI**, o lanba li tuonli nni tie **31 962 S**, ki tie baalo ligidiedi goandikoa, dini li bali ki tua ligikubilo yaa cagili n faami baalo tuona nni li suuli moa gbenma, yaa cagili n bogindi mi titoama leni laabaali tuonsoandiegu yaagu n faami baalo tuona leni li suuli moa paadima kani.

C. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

- Issa **BANCE**, o lanba li tuonli nni tie **104 410 A**, ki tie diema leni diema tuona tundikoa dini li bali ki tua tua tonditundikoa ti diema niba yaaba n ye dietoama nni;
- Alifiredi Benjamina Patende **CENDIREBEWOGO**, o lanba li tuonli nni tie **104 408 M**, Minisitiri ciamo, dini li bali ki tua tondo, a tuona puogili gobidikoa ;
- Alain Edouard **TADIWALI**, o lanba li tuonli nni tie **51 014 P**, ki tie diema leni diema tuona tundikoa, dini li bali ki tua a bado tondo,duliya coguciamu cogu liiga yua lani n tie INHEI ;

- Miseli **SOMA**, o lanba li tuonli nni tie **59 728 J**, ki tie diema leni diema tuona tundikoa, dini li bali ki tua o bado tondo yaa tuonjaali n maadi mi diema niba yaaba n ye niinni yudaano;
- Miyieba Umalu **TANKPANI**, o lanba li tuonli nni tie **345 362 Y**, ki tie diema leni diema tuona tundikoa, dini li bali ki tua baalo tuonsoandiegu buake kani liiga yua duogili Koti Divuari diema nni;
- Mumuni **WEDIRAWOGO**, o lanba li tuonli nni tie **229 830 W**, ki tie diema leni diema tuona tundikoa, dini li bali ki tua baalo tuonsoandiegu Ryaadi kani liiga yua duogili Arabi Sawoditi diema kani ;
- Davidi **PORIGO**, o lanba li tuonli nni tie **358 990 J**, ki tie diema leni diema tuona tundikoa, dini li bali ki tua Bulicina Faso tundikalielo tondo Havani Cuba diema nni.

D. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU

- Antuani **SORIMA**, o lanba li tuonli nni tie **351 223 Y**, ki tie li yanwubili bando, dini li bali ki tua santidi Wesi desiyon kpaabu, yanwubili leni mi ñima nni bonpiakaala koanbadiegu kani.

E. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA

- Madami Josefinni **BASOLE/BATIONO**, o lanba li tuonli nni tie **229 827 U**, ki tie u loagu tuona tundikoa, dini li bali ki tua a tuona puogili gobidikoa.

F. YAA KOANBADIEGU N DIIDI I SANI TIENMA LENI A DIEGBENGA MAAMA

- Olo **PALENFO**, ki tie minteele gbeeli, dini li bali ki tua i sani tuona ñanbima u yogu kuli gobikoa (ST-TRHIMO) ;

- Pegidiwende Basili Firansua **NICIEMA**, o lanba li tuonli nni tie **85 128 D**, ki mi ŋima leni li fuali gbanŋagidi ciamo, dini li bali ki tua a sancena tuona bogina tidianciamo (SP-PST) ;
- **WEDIRAWOGO** pua Kâ Josseline Sonia **KABORE**, o lanba li tuonli nni tie **205 537 E**, ki tie i sani leni li diemaali bandiciamo, dini li bali ki tua li i sani leni li diemaali boginŋanli cogu Yudaano ;
- Salifo **PASERE** o lanba li tuonli nni tie **92 726 L**, ki tie i sani leni li diemaali bandiciamo, dini li bali ki tua i sani ŋanbima kubili liiga yua ;
- Jenabo **BALIMA**, o lanba li tuonli nni tie **238 004 A**, ki tie baalo saliwuudo komiciamo, dini li bali ki tua Directrice générale des études et des statistiques sectorielles ;
- Sie **KANBU** o lanba li tuonli nni tie **92 928 Y**, ki tie i sani leni li diemaali bandiciamo, dini li bali ki tua a koajaana nni sani nni ŋanbima liiga yua;
- Buleyima **GUWO**, o lanba li tuonli nni tie **110 042 V**, ki tie i sani leni li diemaali bandiciamo, dini li bali ki tua Muhunni desiyon sani tienma leni a diegbenga maama liiga yua;
- Madi **WEDIRAWOGO**, o lanba li tuonli nni tie **203 325 V**, ki tie i sani leni li diemaali bandiciamo, dini li bali ki tua Kasikaadi desiyon sani tienma leni a diegbenga maama liiga yua;
- Hadarata **TAPISOBA**, o lanba li tuonli nni tie **282 525 B**, ki tie i sani leni li diemaali bandiciamo, dini li bali ki tua Dosiiga desiyon sani tienma leni a diegbenga maama liiga yua;
- Usimaani Andile **WEDIRAWOGO**, o lanba li tuonli nni tie **92 724 S**, ki tie i sani leni li diemaali bandiciamo, dini li bali ki tua Santidi Noodi desiyon sani tienma leni a diegbenga maama liiga yua;
- Yasia **WEDIRAWOGO**, o lanba li tuonli nni tie **211 898 D**, ki tie i sani leni li diemaali bandiciamo, dini li bali ki tua Santidi Wesi desiyon sani tienma leni a diegbenga maama liiga yua;

- Kunbatian **SOME**, o lanba li tuonli nni tie **92 731 U**, ki tie i sani leni li diemaali bandiciamo, dini li bali ki tua Santidi Siidi desiyon sani tienma leni a diegbenga maama liiga yua;
- Yakuba kidisitian **SERE**, o lanba li tuonli nni tie **239 801 K**, ki tie i sani leni li diemaali bandiciamo, dini li bali ki tua Dapuoli desiyon sani tienma leni a diegbenga maama liiga yua;
- Eli **KABORE**, o lanba li tuonli nni tie **110 020 V**, ki tie i sani leni li diemaali bandiciamo, dini li bali ki tua Ho Basen desiyon sani tienma leni a diegbenga maama liiga yua;
- ;
- Hamiidu **WEDIRAWOGO**, o lanba li tuonli nni tie **110 002 N**, ki tie i sani leni li diemaali bandiciamo, dini li bali ki tua Najieniu desiyon sani tienma leni a diegbenga maama liiga yua;
- Kalibi Dominiki **SONGO**, o lanba li tuonli nni tie **205 529 J**, ki tie i sani leni li diemaali bandiciamo, dini li bali ki tua Pilato santirali desiyon sani tienma leni a diegbenga maama liiga yua;
- Yanba Lewonaari **KAGANBEEGA**, o lanba li tuonli nni tie **110 003 A**, ki tie i sani leni li diemaali bandiciamo, dini li bali ki tua Sayeeli desiyon sani tienma leni a diegbenga maama liiga yua;
- Sonbaseere **SAWADOGO**, o lanba li tuonli nni tie **110 032 F**, ki tie i sani leni li diemaali bandiciamo, dini li bali ki tua Siidi Wesi desiyon sani tienma leni a diegbenga maama liiga yua;
- Sulemaani **TINGERI**, o lanba li tuonli nni tie **308 484 W**, ki tie i sani leni li diemaali bandiciamo, dini li bali ki tua Bulicienmide porovenso sani tienma leni a diegbenga maama liiga yua;

G. A BICEGIDINKAANA COGU LENI MI TUONSOANBANMA BANGIMA KOANBADIEGU

- Musa **TADIWALI**, o lanba li tuonli nni tie **86 235 Z**, ki tie a cogidieciama canbaangoandikoa, dini li bali ki tua yuceli cogidiena liiga ;
- Sayidu **IMA**, o lanba li tuonli nni tie **49 950 J**, ki tie lise leni kolesi cogibila canbaa, dini li bali ki tua Chargé d'études ;
- Biensi Didie **PAARE**, o lanba li tuonli nni tie **206 357 H**, ki tie a cogidieciama canbaangoandikoa, dini li bali ki tua Santidi Wesi bicegidinkaana cogu leni mi tuonsoanbanma bangima koanbadiegu liiga yua ;
- Jeneba **BELEMIVIRE**, o lanba li tuonli nni tie **52 258 F**, ki tie a cogidieciama canbaangoandikoa, dini li bali ki tua Santidi Siidi desiyon bicegidinkaana cogu leni mi tuonsoanbanma bangima koanbadiegu liiga yua ;
- Gabirieli **SAWADOGO**, o lanba li tuonli nni tie **54 432 R**, ki tie a cogidieciama canbaangoandikoa, dini li bali ki tua Dapuoli desiyon bicegidinkaana cogu leni mi tuonsoanbanma bangima koanbadiegu liiga yua ;
- Yidirisa **BELEEMI**, o lanba li tuonli nni tie **76 109 T**, ki tie a cogidieciama canbaangoandikoa, dini li bali ki tua Najienu desiyon bicegidinkaana cogu leni mi tuonsoanbanma bangima koanbadiegu liiga yua.

III.2. BAN DINI YAABA A BALA A TUONSOANJAANA YELI PO

A koanbala taanli den baa ban dini yaaba a bala a tuonjaana tuona gobidima po::

- Bulicina Suudu Bawude (BSB) kani A bicegidinkaana cogu leni mi tuonsoanbanma bangima koanbadiegu yeli po;
- Yaa tuonsoanjaali n bigidi ti tuona n kpendinni yaala ti gaanilindima po (ANEVE) leni mi ñinboagidikaama tuonsoanjaali (ONEYA) kani yaa koanbadiegu n diidi mi gaanilindima, mi ñima leni i yianbonfuodi bolinma tuona yeli po ;
- Yaa tuonsoanjaali n gobidi yanbuama tuona yaa koanbadiegu n die ku gbanansaagu jeliti tuona, bi nipanba leni a tuona baama yeli po.

Moko, a koanbala taanli baa ban dini yua li bali ke o tua liigiyua yaa cagili n pegidi ki go goandi a tuona yaa tuonsoanjaali n diidi u yogu n cuoni maama kani yaa koanbadiegu n die ti diema tinbuona gobidima leni a sancena tuona yeli po.

A koanbala taanli go dini li bali a tuona gobidima liigiyua Bulicina Suudu Bawude (BSB) kani.

A. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

A koanbala taanli taa **masienkaama tila lie (02)**.

Masienkaama tikpiali dini li bali Wendilasida Lewon Birisi **TIENDEREBEWOGO**, o lanba li tuonli nni tie **105 151 Z**, o tie diema leni mi yama danligu tuona tundikoa, ke o kua baalo po yaa tuonsoanjaali n diidi u yogu n cuoni maama tuona gobidima cagili nni, yaa koanbadiegu n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni maama yeli nni li bakpiali nni bina taa (03) po ; o gaa Asani TANBURA kaanu kelima o bali yogunu tuoni li yogunu bianu.

Masienkaama tilieli goa ki pandi Purosipeeri **SENBA** bali, o lanba li tuonli nni tie **116 887 G**, o tie bu kpaabu tuona bandiciamo, ke wan yaa ye baalo po yaa cagili n pegidi ki go goandi a tuona yaa tuonsoanjaali n diidi u yogu n cuoni maama nni bu kpaabu, li yanwubili leni mi ñima nni bonpiakaala koanbadiegu yeli po li bajuodikaali nni bina taa (03) po.

B. A BICEGIDINKAANA COGU LENI MI TUONSOANBANMA BANGIMA KOANBADIEGU

A koanbala taanli taa **masienkaama tila lie (02)**.

Masienkaama tikpiali dini li bali o pua Anseli **WIYA**, o lanba li tuonli nni tie **58 323 E**, o tie kolesinba leni lisenba cogidiena Goandikoa, ke o kua baalo po Bulicina Suudu Bawude tuona gobidima cagili nni, a bicegidinkaana cogu leni mi tuonsoanbanma bangima koanbadiegu yeli nni li bakpiali nni bina taa (03) po .

Masienkaama tilieli dini li bali o pua Anseli **WIYA**, o lanba li tuonli nni tie **58 323 E**, o tie kolesinba leni lisenba cogidiena Goandikoa, ke o tua a tuona gobidikaaba liigiyua Bulicina Suudu Bawude kani li bakpiali nni binataa (3) po.

C. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA

A koanbala taanli taa **masienkaama tila naa (4)**.

Masienkaama tikpiali dini a bala yaa niba n tiene ke bi tua a tuona gobidikaaba yaa tuonsoanjaali n bigidi ti tuona n kpendinni yaala ti gaanilindima po (ANEVE) kani li bakpiali nni bina taa (3) po.

Ban gandi yua yaa koanbadiegu n diidi mi gaanilindima, mi ñima leni i yianbonfuodi bolinma tuona yeli po:

- Salifu **SAWADOGO**, o lanba li tuonli nni tie **130 400 L**, o tie bujialo.

Ban gandi yua Bulicina Faso merinba yeli po:

- Alijima **SONBIRE**, o lanba li tuonli nni tie **22 51 747 R**, o tie tanmaali tuona bandiciamo.

Masienkaama tilieli goa ki pandi yaa niba n gwa ne bala ke ban yaa ye yaa tuonsoanjaali n bigidi ti tuona n kpendinni yaala ti gaanilindima po (ANEVE) tuona gobidima cagili nni li bajuodikaali nni bina taa (03) po.

BAN GANDI YAABA BAALO YELI PO

yaa koanbadiegu n diidi ti diema loagu leni i ligi kani :

- Seyidu **TIENDIREBEWOGO**, o lanba li tuonli nni tie **91 227 S**, o tie baalo ligi tuonsoandiedi gobidikoa.

yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani:

- Mahamadi **KINDA**, o lanba li tuonli nni tie **117 059 U**, o tie u loagu tuona tundikoa.

Yaa koanbadiegu n diidi kuuran tuona leni ki tinga tugu nni piama tuona kani :

- jibili **SUNGIRANA**, o lanba li tuonli nni tie **510 080 A**, o tie mi wulagbima n kpendinni ti gaanilindima po yaala bandiciamo.

Yaa koanbadiegu n die a cogibigbenga cogu leni mi bancanma linginma tuona kani:

- Ogusiein **PALE**, o lanba li tuonli nni tie **110 907 K**, o tie cogibigbenga cogicanbaa.

BAN GANDI YUA YAA TUONSOANJAALI N BIGIDI TI TUONA N KPENDINGNI YAALA TI GAANILINDIMA PO TUONSOANBA YELI NNI

- Epilu Sebasien **BATİYONO**, o lanba li tuonli nni tie **213 865 W**, o tie ti gaanilindi bandiciamo.

Masienkaama titaali dini li bali Salifu **SAWADOGO**, o lanba li tuonli nni tie **130 400 L**, o tie bujialo, ke o tua a tuona gobidikaaba liigiyua yaa tuonsoanjaali n bigidi ti tuona n kpendinni yaala ti gaanilindima po kani li bakpiali nni binataa (3) po .

Masienkaama tinaali dini li bali o joa Dofini-Tuan Ma-Wanni Reno **SENI**, o lanba li tuonli nni tie **222 193 K**, o tie ti gaanilindima tuona goandikoa, ke o kua baalo po yaa tuonsoanjaali n diidi u yogu n cuoni maama tuona gobidima cagili nni, mi ñinboagidikaama tuonsoanjaali (ONEYA) kani, yaa koanbadiegu n diidi mi gaanilindima, mi ñima leni i yianbonfuodi bolinma tuona yeli nni li bakpiali nni bina taa (03) po.

D. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA

A koanbala taanli taa **Masienkaama tili** ki dini li bali o joa Mahamadi **TASENBEDO**, o lanba li tuonli nni tie **118 992 W**, o tie lotogbeeli, ke o kua baalo po yaa tuonsoanjaali n gobidi yanbuama tuona kani, li laafiali koanbadiegu yeli nni li bakpiali nni bina taa (03) po.



www.sig.gov.bf

Guvenema Masoagindo
Le Porte-parole du Gouvernement,



Rimalba Jean Emmanuel OUEDRAOGO
Officier de l'Ordre de l'Étalon
Rimaliba Jan Emanuweli WEDIRAWOGO
O baa Baalo jaandi leni Tanjoa maalima

Tinunga **26** bonmu **26** nni